



RESOLUCIÓN DA XEFATURA TERRITORIAL DA CONSELLERÍA DO MAR EN VIGO, POLA QUE SE COMUNICA O EMPREGO DA LISTA ABERTA PARA O INCREMENTO DE COTAS DE CAPTURA PARA AS EMBARCACIÓNS INCLUÍDAS NO PLAN DE XESTIÓN DO RECURSO ESPECÍFICO ANEMONE MEDIANTE MERGULLO EN APNEA E CON SUBMINISTRACIÓN DE AIRE DESDE SUPERFICIE DA CONFRARÍA DE PESCADORES DE VILANOVA DE AROUSA

ANTECEDENTES

1. A Orde do 22 de decembro de 2021 aprobou os plans de xestión para recursos específicos e algas en Galicia para o trienio 2022-2024 (DOG. Núm. 251, de 31.12.2021).

De conformidade co expediente de aprobación do plan de xestión de anemone mediante mergullo en apnea e con subministración de aire desde superficie, da confraría de pescadores de Vilanova de Arousa (PE401A 2021/59-5), estableceuse un número máximo de 7 embarcacións con 7 tripulantes habilitados con dereito a cota.

2. Trala finalización do último proceso de renovación de 2021 desta modalidade na entidade para o trienio 2022-2024, e mediante Resolución de adaptación de medidas do 6 de xuño de 2023, o número de embarcacións con anemone no permiso de explotación autorizadas para participar no plan é de 7 embarcacións e 9 habilitacións.

3. O 15 de xuño de 2023 (Rexistro de entrada nº 2023/1775101) a entidade presentou solicitude para que se iniciase o proceso para a cobertura de habilitacións ata o máximo de 9, segundo as medidas adaptadas.

4. O 26 de setembro de 2023 a Xefatura Territorial da Consellería do mar en Vigo abriu o prazo de presentación de solicitudes para a elaboración da lista aberta para o incremento do número de cotas de captura das embarcacións incluídas no plan de xestión.

5. Por resolución do 7 de novembro de 2023 desta xefatura territorial, publicouse a lista provisional de puntuacións con sete (7) embarcacións admitidas no proceso e deuse un prazo de quince (15) días hábiles, contados a partir do día seguinte ao da súa publicación, para efectuar alegacións ás puntuacións outorgadas. Non houbo embarcacións excluídas do proceso.

6. Transcorrido o prazo indicado no punto anterior, presentouse un (1) escrito de alegación á puntuación provisional outorgada. Analizada a alegación presentada, modificouse a súa puntuación parcial.

7. Por resolución do 13 de decembro de 2023 desta xefatura territorial, publicouse a lista aberta coas puntuacións obtidas por cada unha das embarcacións admitidas, habendo 5 embarcacións empatadas a 12 puntos.

8. En data 20 de decembro de 2023 celebrase un sorteo presencial na sede da Xefatura Territorial da Consellería do Mar en Vigo para dirimir o empate xurdido entre embarcacións. Levantouse a correspondente acta da realización do sorteo, publicada o día 21 de decembro de 2023, que reflicte a orde de prelación das embarcacións e persoas aspirantes empatadas para continuar coa tramitación do procedemento.





CONSIDERACIÓNS LEGAIS E TÉCNICAS

1. A Orde do 30 de decembro de 2015 pola que se regula a explotación dos recursos específicos no ámbito da Comunidade Autónoma de Galicia determina nos seus artigos 39 a 46, o procedemento para o incremento do número de cotas de captura para as embarcacións incluídas nun plan de xestión. No seu artigo 39 establece un sistema de lista aberta para o incremento do número de cotas de captura para as embarcacións incluídas nun plan de xestión na que a orde de prelación das embarcacións virá determinado pola puntuación obtida trala aplicación do baremo previsto no artigo 43.1.

2. As embarcacións admitidas están incluídas no plan de xestión de anemone da Confraría de Vilanova de Arousa e cumpren os requisitos para participar no sistema de listas para o incremento do número de cotas de captura do recurso específico da anemone (artigos 41 e 42 da Orde do 30 de decembro de 2015).

3. Todas as solicitudes foron valoradas de acordo co baremo aprobado pola Resolución do 4 de maio de 2016, da Dirección Xeral de Desenvolvemento Pesqueiro pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020 da Dirección Xeral de Desenvolvemento Pesqueiro, e que indica:

- No apartado A.3 do anexo I que con carácter xeral, para o incremento, do número de cotas asignadas ás embarcacións estará en función das persoas que teñan enroladas, á vista do rol de despachos actualizado da embarcación coa dotación da tripulación enrolada nela e das certificacións profesionais de cada unha delas, e considerarase que o rol de despachos está actualizado á data en que a xefatura territorial comunique o emprego da lista para o incremento de cotas nas embarcacións.

- No apartado A.4 do anexo I que o outorgamento de prazas quedará limitado ao número máximo de tripulantes autorizados/as pola administración marítima.

4. Esta xefatura territorial é o órgano competente para a elaboración e o control das listas, así como para a súa actualización e para comunicar o seu emprego de conformidade co establecido na sección 4ª do capítulo III e o artigo 52 da Orde do 30 de decembro de 2015, pola que se regula a explotación dos recursos específicos no ámbito da Comunidade Autónoma de Galicia.

De acordo con todo o anterior e co establecido na base 2.1 do anexo A da Resolución do 26 de setembro de 2023 pola que se abriu o prazo de presentación de solicitudes para a elaboración da lista aberta, esta xefatura territorial.

RESOLVE:

1. Comunicar ás persoas armadoras das seguintes embarcacións integrantes da lista aberta vixente para o incremento do número de cotas de captura para as embarcacións incluídas no plan de xestión para o recurso específico anemone mediante mergullo en

Xefatura Territorial de Vigo
Rúa Concepción Arenal, 8-4º andar
36201 Vigo (Pontevedra)
Tel.: 986817104
recursosmarinos.cmm.vigo@xunta.gal





apnea e con subministración de aire desde superficie, da confraría de pescadores de Vilanova de Arousa que poderán beneficiarse do incremento de dúas (2) cotas vacantes no plan de xestión (de acordo coa orde de prelación establecida no Anexo I) que se indica a continuación:

Nº	Embarcación	Matrícula e Folio	Armador	NIF
1	Patri	VILL-2-4697	José Ángel Acha Ventoso	* * * 5824 * *
2	Dos Hermanas	VILL-3-9442	Jesús Alberto Martínez Vales	* * * 7337 * *
3	Sirena	VILL-3-9191	José Manuel Nogueira Romero	* * * 6646 * *
4	Diana Un	VILL-3-5-02	Fernando Arosa Romero	* * * 6905 * *
5	Lola	VILL-3-6076	José María Doval Irago	* * * 6623 * *
6	Josefina	VILL-3-5422	Daniel Santos Padín	***7302**
7	Carmen	VILL-3-6037	Jorge Paz Viñas	***6628**

2. Ofértanse dúas (2) cotas vacantes ás embarcacións anteriores de acordo co indicado na seguinte táboa:

Nº	Embarcación	Matrícula e Folio	Nº de cotas actuáis	Nº máximo de tripulantes (segundo certificado de conformidade)	Nº de cotas ofertadas
1	Patri	VILL-2-4697	1	2	1
2	Dos Hermanas	VILL-3-9442	1	2	1

3. A adxudicación do número de cotas a cada embarcación dependerá do número de acreditacións solicitadas entre as ofertadas, das persoas que teñan enroladas á vista do rol de despachos da embarcación coa dotación da tripulación enrolada nela e das certificacións profesionais. Para a comprobación disto as persoas armadoras das embarcacións seleccionadas disporán dun prazo de quince (15) días hábiles, contados desde o día seguinte ao da publicación da presente resolución para presentar a seguinte documentación:

a) Solicitude debidamente asinada no que se indique o número de cotas que se solicitan respecto das ofertadas, identificando aos tripulantes.

b) Rol de despachos actualizado da embarcación coa dotación da tripulación enrolado nela.

c) Certificación profesional que corresponda ás persoas tripulantes enroladas, agás as expedidas pola Consellería do Mar, de ser o caso. A autorización expresa para a consulta destes datos realizarase empregando o anexo X da Orde do 30 de decembro de 2015.

O artigo 10 da Lei 4/2019, do 17 de xullo, de administración dixital de Galicia, establece a obrigatoriedade para as persoas traballadoras autónomas de relacionarse a través de medios electrónicos no ámbito do sector público autonómico para os trámites e as actuacións que realicen no exercicio da súa actividade profesional. Por tanto, as solicitudes e





a documentación indicada, deberán presentarse por vía electrónica a través do formulario normalizado PX006A (achega de documentación adicional) dispoñible na sede electrónica da Xunta de Galicia (<https://sede.xunta.gal>). Para a presentación das solicitudes será necesario o Documento Nacional de Identidade electrónico (DNIE) ou calquera dos certificados electrónicos recoñecidos pola sede da Xunta de Galicia.

As persoas que dentro do prazo fixado non presentasen a documentación ou do exame dela se deducise que carecen dalgún dos requisitos sinalados na base 1.2 da convocatoria, entenderase que non aceptan a oferta do incremento e cotas por desestímato.

De acordo co disposto no Decreto 425/1993, do 17 de decembro e a Orde do 30 de decembro de 2015, as embarcacións seleccionadas que presentasen a documentación dentro do prazo establecido deberán cumprir ademais cos seguintes requisitos para a obtención do incremento das cotas asignadas:

- a) Non ter sancións en vía administrativa en materia de protección de recursos mariños, pendente de pagamento.
- b) Que as persoas tripulantes estean en posesión dos certificados profesionais correspondentes.
- c) O/A armador/a da embarcación e as persoas ás que se lles outorgue a cota, non poderán ser titulares dun permiso de explotación á pé para recursos específicos, debendo renunciar a este.

As persoas armadoras que non acepten os incrementos ofertados durante dúas (2) veces consecutivas sen causa xustificada non recibirán unha nova oferta durante un prazo de doce (12) meses. No caso de renunciar aos incrementos ofertados durante tres (3) veces consecutivas sen causa xustificada, perderán os seus dereitos e a embarcación quedará excluída da lista por un período de dezoito (18) meses, podendo solicitar de nova a súa inscrición unha vez transcorrido o dito prazo.

A presente resolución publicarase no taboleiro de anuncios da Xefatura territorial de Vigo e na páxina web <http://mar.xunta.gal>. A resolución tamén se exporá, con carácter informativo no taboleiro de anuncios das xefaturas comarcais de Pontevedra e Vilagarcía e da confraría de pescadores.

De conformidade co disposto nos artigos 121 e 122 da Lei 39/2015 do 1 de outubro, do procedemento administrativo común das Administracións Públicas (BOE núm. 236, do 2 de outubro de 2015), contra esta resolución que non esgota a vía administrativa, poderán interpor recurso de alzada ante a Consellería do Mar no prazo dun (1) mes a contar dende o día seguinte o da súa notificación.

A xefa territorial
Sonia Lorenzo Santos



ANEXO I

CONFRARÍA DE PESCADORES DE VILANOVA DE AROUSA

LISTA ABERTA PARA O INCREMENTO DE COTAS DE CAPTURA PARA AS EMBARCACIÓNS INCLUÍDAS NO PLAN DE XESTIÓN DE ANEMONE (ordeadas por orde de puntuación e alfabeticamente)

Embarcación	Matrícula	Folio	Embarcación cunha so cota de captura C.1	Experiencia profesional armador C.2	Habitualidade da actividade pesqueira C.3	Total
Patri	VILL-2	4697	5	4	3	12
Dos Hermanas	VILL-3	9442	5	4	3	12
Sirena	VILL-3	9191	5	4	3	12
Diana Un	VILL-3	5-02	5	4	3	12
Lola	VILL-3	6076	5	4	3	12
Josefina	VILL-3	5422	5	4	1	10
Carmen	VILL-3	6037	5	0	3	8

Os epígrafes de cada columna son: (de acordo co apartado C do anexo I da Resolución do 4 de maio de 2016, da Dirección Xeral de Desenvolvemento Pesqueiro, polo que se aproba o baremo para accede ás modalidades de recursos específicos no permiso de explotación das embarcacións, así como para elaborar as listas e actualizar os méritos par o incremento do número de cotas de captura para as embarcacións incluídas nun plan e xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro)



Total: puntos acadados en total.

C1: Embarcacións que só teñen unha cota de captura no plan de xestión: 5 puntos.

C2: Experiencia profesional no sector da persoa armadora da embarcación. Terase en conta que a persoa armadora estivese enrolada con mergullador (con acreditación) en embarcacións que contan coa modalidade nos 2 anos anteriores á data da convocatoria: 0,2 puntos/mes completo.

A puntuación máxima total que se poderá obter nesta epígrafe será de 4 puntos.

C3 Habitualidade da actividade pesqueira.

– Se a embarcación acredita ter realizado actividade extractiva entre 15-35% dos días que foron efectivamente autorizados para a extracción dentro do plan de xestión do ano natural inmediatamente anterior: 1 punto.

–Se a embarcación acredita ter realizado actividade extractiva entre 35,01-60% dos días que foron efectivamente autorizados para a extracción dentro do plan de xestión do ano natural inmediatamente anterior: 2 puntos.

- Se a embarcación acredita ter realizado actividade extractiva superior a un 60,01% dos días que foron efectivamente autorizados para a extracción dentro do plan de xestión do ano natural inmediatamente anterior: 3 puntos.

A puntuación máxima total que se poderá obter nesta epígrafe será de 3 puntos.

